

Til: Kommunane i nye Vestland fylke ved folkevalde og rådmann / kommunedirektør

Dato: 11. november 2019

Kunst i offentlege rom – identitetsskapande og stadutviklande

Det er verdifullt og allmenndannande for alle menneske å møte kunst av høg kvalitet i form av visuell kunst, musikk, teater og film. I distrikta er det langt mellom folk og enda lengre mellom dei store, profesjonelle, kunstinstitusjonane. Difor er det ekstra viktig at vi kan møte kunst i offentlege rom, laga av profesjonelle kunstnarar, der vi bur og ferdast kvar dag. Kunsten kan styrke dei fysiske og visuelle kvalitetane ved by- og tettstadutvikling, og gje menneska der rikare liv og nye perspektiv.

Kunsten har ein eigenverdi. Men visste du at kunst i offentlege rom også kan føre til:

- Verdiskaping og arbeidsplassar
- Lokal samfunnsutvikling (også som reisemål)
- Inkludering og skaping av identitet
- Kunnskapsdanning og formidling
- Debatt og refleksjon

Å bringe kunstfagleg kompetanse inn i stadutviklingsprosessar vil gje moglegheit til å tenkje nytt, bidra til meir reell brukarmedverking og vil kunne utvikle betre stader for innbyggjarane å vere.

Difor er det viktig at dykkar kommune si satsing på kunst i offentlege rom blir lagt inn i planprogram og kommunal planstrategi for kommunen.

Korleis satse på kunst i offentlege rom i kommunen?

- Utarbeide ein strategi for arbeidet med kunst i offentlege rom.
- Avsette, ved vedtak, ein fast prosentsum (0,5 - 2%) av kommunen sitt investeringsbudsjett til kunst i offentlege rom (eller i arealplanbudsjett, ved nybygg eller rehabilitering av bygg).
- Utarbeide og vedta tydelege retningslinjer for arbeidet med kunst i offentlege rom.
- Etablere formelle samarbeid mellom dei aktuelle etatane i kommunen.
- Sikre profesjonell kunstfagleg kompetanse i arbeidet med kunst i offentlege rom.

Kven kan hjelpe kommunen i dette arbeidet?

- Sogn og Fjordane Kunstmuseum, e-post: sfkm@misf.no, tlf. 974 21 565
- Hordaland Kunstsenter, Petra Rahm, konsulent for kunst i offentlege rom, e-post: petra@kunstsenter.no, tlf. 986 99 454

Dei kan bidra med rådgjeving og tenester knytt til kunst i offentleg rom, tilpassa dykkar kommune. Med sin posisjon tett på kunstnarmiljøa kan dei bidra med kunstfagleg kompetanse, og til å sikre transparente og demokratiske prosessar.

La innbyggjarane i dykkar kommune få oppleve profesjonell kunst i offentlege inne- og uterom, der dei bur og ferdast. Skap attraktive stader og bygg, der den visuelle kunsten er integrert, til glede og undring, for fastbuande og besøkande.

Dette skrivet er forfatta av:

Sogn og Fjordane Kunstmuseum (Førde), <https://www.sfk.museum.no/>

Hordaland Kunstsenter (Bergen), <http://www.kunstsenter.no/tag/kior>

Bildende Kunstneres Forening Hordaland, <http://bkfh.no/>

Norske Kunsthåndverkere Vest-Norge, <https://nkvestnorge.wordpress.com/>

Biletkunstnarane i Sogn og Fjordane, <http://www.bksf.no/>

Sogn og Fjordane Fylkeskommune, avdeling for næring og kultur, <https://www.sfi.no/vil-loefte-kunst-i-offentlege-rom.6233303-329217.html>